

Das dritte Kapittel.

(Geheime unterordentliche Sitzung des Politischen Frierklubbs. Rede des Barbeers öwer dat Schriewen uut Paris an den Presedent Swinegel. Worum de Swinesnieder de eenzig welfisch Gesunte in'n Klubb is. Bismark as Bottermaker van'n Barbeer dargestellt. De Klubb beslutt, dem Kaiser Napoljon den erbedenen Gefallen to dohn.)

Den Statuten des „Politischen Frierklubbs“ gemäz: dat jedet Mitgled van wichtige politische Neeligkeiten, de se erfahren oder derlee Midddehlungen, de em togekamen, dem Klubb foorts Anzeige maken un disse denn nöhdigenfalls, wat de Presedent to entscheiden harr, to eene Berahdung oder gar Besluffatung sich versameln müsse — wöör et denn geschehn, dat de Presedent Swinegel, as he nu den dritten Breef uut Paris, mit der dringendsten Upforderung dahin to reisen, kreeg, et dann doch för nöhdig hööl, den Klubb to eener Berahdung öwer dat ganze Reise-Projekt tosamennenopen to laten. De Barbeer as Zefertär harr denn de Mitgleder dorch den Klubbdeener Flicsnieder Hüppup to'ner geheemen unterordentlichen Sitzung up den Sünmabend Abend in ehr Lokal, den Kroog to'n „Rohden Ossen“ beropen, un so fünnen se sich to'r bestimmten Stünne denn ook alle sämmtlick in.